

II

(Gníomhartha neamhrechtacha)

RIALACHÁIN

RIALACHÁN CUR CHUN FEIDHME (AE) 2020/2021 ÓN gCOMHAIRLE

an 10 Nollaig 2020

lena gcuirtear chun feidhme Airteagal 9 de Rialachán (CE) Uimh. 1183/2005 lena bhforchuirtear bearta sriantacha sonracha áirithe a dhírítear i gcoinne daoine atá ag gníomhú de shárú ar an lánchosc armí dtaca le Poblacht Dhaonlathach an Chongó

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1183/2005 ón gComhairle an 18 Iúil 2005 lena bhforchuirtear bearta sriantacha sonracha áirithe a dhírítear i gcoinne daoine atá ag gníomhú de shárú ar an lánchosc arm i dtaca le Poblacht Dhaonlathach an Chongó ⁽¹⁾, agus go háirithe Airteagal 9 de,

Ag féachaint don togra ó Ardionadaí an Aontais do Ghnóthaí Eachtracha agus don Bheartas Slándála,

De bharr an mhéid seo a leanas:

- (1) An 18 Iúil 2005, ghlac an Chomhairle Rialachán (CE) Uimh. 1183/2005.
- (2) I bhfianaise athbhreithniú a rinneadh ar na bearta sriantacha uathrialacha a leagtar síos in Airteagal 2b de Rialachán (CE) Uimh. 1183/2005, ba cheart na ráitis ar chúiseanna a bhaineann le daoine áirithe a liostaítear in Iarscríbhinn Ia a ghabhann le Rialachán (CE) Uimh. 1183/2005 a leasú agus ba cheart duine amháin a bhaint den liosta san Iarscríbhinn sin.
- (3) Ba cheart, dá bhrí sin, Rialachán (CE) Uimh. 1183/2005 a leasú dá réir,

TAR ÉIS AN RIALACHÁN SEO A GHLACADH:

Airteagal 1

Cuirtear an téacs san Iarscríbhinn a ghabhann leis an Rialachán seo in ionad Iarscríbhinn Ia a ghabhann le Rialachán (AE) Uimh. 1183/2005.

Airteagal 2

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

(¹) IO L 193, 23.7.2005, lch. 1.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 10 Nollaig 2020.

Thar ceann na Comhairle
An tUachtarán
M. ROTH

LIOSTA NA nDAOINE, NA nEINTITEAS AGUS NA gCOMHLACHTAÍ DÁ dTAGRAÍTEAR IN AIRTEAGAL 2b

A. Daoine

	Ainm	Faisnéis aitheantais	Forais leis an liostú	Dáta an liostaithe
1	Ilunga KAMPETE	<p>ar a dtugtar freisin Gaston Hughes Ilunga Kampete; Hugues Raston Ilunga Kampete.</p> <p>Dáta Breithe: 24.11.1964.</p> <p>Áit bhreithe: Lubumbashi, DRC</p> <p>Náisiúntacht: DRC</p> <p>Uimhir aitheantais mhíleata: 1-64-86-22311-29.</p> <p>Seoladh: 69, avenue Nyangwile, Kinsuka Mimosas, Kinshasa/Ngaliema, DRC.</p> <p>Inscne: Fireann</p>	<p>Agus é ina cheannasaí ar an Republican Guard (GR) go dtí mí Aibreáin 2020, bhí Ilunga Kampete freagrach as aonaid GR a imscaradh ar an talamh agus bhí baint aige le forneart agus cur faoi chois foréigineach a úsáid go díreireach i mí Mheán Fómhair 2016 in Kinshasa.</p> <p>Bhí sé freagrach freisin as cearta an duine a chur faoi chois agus as sárú ar chearta an duine a rinne gníomhairí GR, amhail slógadh den fhreasúra in Lubumbashi a chur faoi chois go foréigineach i mí na Nollag 2018.</p> <p>Ó mhí Iúil 2020, tá sé ina shaighdiúir ard-chéimneach, mar Leifteanant Gin-earálta i bhFórsaí Armtha an Chongó (FARDC) agus ceannasaí bhunáit mhíleata Kitona i gCúige Chongó Láir. De bhua a fheidhmeanna, is air féin atá an fhreagracht as na sárúithe a rinne FARDC le déanaí ar chearta an duine.</p> <p>Dá bhrí sin, bhí baint ag Ilunga Kampete le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p>	12.12.2016
2	Gabriel Amisi KUMBA	<p>ar a dtugtar freisin Gabriel Amisi Nkumba; "Tango Fort"; "Tango Four"</p> <p>Dáta Breithe: 28.5.1964</p> <p>Áit breithe: Malela DRC</p> <p>Náisiúntacht: DRC</p> <p>Uimhir aitheantais mhíleata: 1-64-87-77512-30</p> <p>Seoladh: 22, avenue Mbenseke, Ma Campagne, Kinshasa/Ngaliema, DRC</p> <p>Inscne: Fireann</p>	<p>Iar-Cheannasaí ar chéad chrios cosanta Fórsaí Armtha an Chongó (FARDC), ar ghlac a fhórsaí páirt i bhforneart agus cur faoi chois foréigineach a úsáid go díreireach i mí Mheán Fómhair 2016 in Kinshasa.</p> <p>Ina cháil mar Leas-Cheann Foirne ar FARDC, bhí sé i gceannas ar na hoi-bríochtaí agus ar an bhfaisnéis ó mhí Iúil 2018 go dtí mí Iúil 2020, agus mar gheall ar a dhualgais shinsearacha mar Ardchigire ar FARDC ó mhí Iúil 2020, tá sé freagrach as na sárúithe ar chearta an duine a rinne Gabriel Amisi Kumba le déanaí.</p> <p>Bhí baint aige dá bharr sin le gníomhartha arb ionann iad agus sárúithe nó mí-úsáidí tromchúiseacha ar chearta an duine in DRC a phleanáil, a stiúradh nó a dhéanamh.</p>	12.12.2016

	Ainm	Faisnéis aitheantais	Forais leis an liostú	Dáta an liostaithe
3	Ferdinand Ilunga LUYOYO	<p>Dáta Breithe: 8.3.1973. Áit bhreithe: Lubumbashi DRC. Náisiúntacht: DRC Uimhir phas: OB0260335 (bailí ó 15.4.2011 go 14.4.2016). Seoladh: 2, avenue des Orangers, Kinshasa/Gombe, DRC. Inscne: Fireann</p>	<p>Agus é ina Cheannasaí ar an aonad frithchíreibe, dá ngairtear <i>Légion Nationale d'Intervention</i> den Congolese National Police (PNC) go dtí 2017, agus mar Cheannasaí ar an aonad atá freagrach as institiúidí agus oifigigh ardchéime laistigh de PNC a chosaint go dtí mí na Nollag 2019, bhí Ferdinand Ilunga Luyoyo freagrach as forneart agus cur faoi chois foréigneach a úsáid go díreireach i mí Mheán Fómhair 2016 in Kinshasa, agus tá sé freagrach as na sárúithe ar chearta an duine a rinne an PNC ina dhiaidh sin.</p> <p>Dá bhrí sin, bhí baint ag Ferdinand Ilunga Luyoyo le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p> <p>Choinnigh Ferdinand Ilunga Luyoyo a chéim mar ghinearál agus tá sé gníomhach fós ar an ardán poiblí in DRC.</p>	12.12.2016
4	Célestin KANYAMA	<p>Ar a dtugtar freisin Kanyama Tshisiku Celestin; Kanyama Celestin Cishiku Antoine; Kanyama Cishiku Bilolo Célestin; Esprit de Mort. Dáta Breithe: 4.10.1960. Áit bhreithe: Kananga DRC. Náisiúntacht: DRC. Uimhir phas DRC: OB0637580 (bailí ó 20.5.2014 go 19.5.2019). Deonaíodh víosa Schengen uimh. 011518403 dó, a eisíodh an 2.7.2016. Seoladh: 56, avenue Usika, Kinshasa/Gombe, DRC. Inscne: Fireann</p>	<p>Agus é ina Choimisinéir an Congolese National Police (PNC), bhí Célestin Kanyama freagrach as forneart agus cur faoi chois foréigneach a úsáid go díreireach i mí Mheán Fómhair 2016 in Kinshasa.</p> <p>I mí Iúil 2017, ceapadh Célestin Kanyama mar Ard-Stiúrthóir ar scoileanna oiliúna an PNC. Agus an ról sin mar oifigeach sinsearach in PNC a bheith aige, tá freagracht air as na sárúithe a rinne PNC le déanaí ar chearta an duine. Sampla amháin is ea imeaglú agus díothú na saoirse a d'fhorchuir oifigigh phóilíneachta ar iriseoirí i mí Dheireadh Fómhair 2018, tar éis foilsíú sraithe alt maidir le míleithreasú chiondálacha na ndaltaí póilíneachta, agus an ról a bhí ag Célestin Kanyama sna himeachtaí sin.</p> <p>Dá bhrí sin, bhí baint ag Célestin Kanyama le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p>	12.12.2016
5	John NUMBI	<p>ar a dtugtar freisin John Numbi Banza Tambo; John Numbi Banza Ntambo; Tambo Numbi. Dáta Breithe: 16.8.1962. Áit bhreithe: Jadotville-Likasi-Kolwezi DRC. Náisiúntacht: DRC. Seoladh: 5, avenue Oranger, Kinshasa/Gombe, DRC. Inscne: Fireann</p>	<p>Bhí John Numbi ina Ard-Chigire ar na Congolese Armed Forces (FARDC) ó mhí Iúil 2018 go dtí mí Iúil 2020. Agus an ról sin a bheith aige, tá freagracht air as na sárúithe a rinne FARDC le déanaí ar chearta an duine, amhail an foréigean díreireach a d'úsáid FARDC faoina údarás díreach ar mhianadóirí neamhdhleathacha ó mhí an Mheithimh go dtí mí Iúil 2019.</p> <p>Dá bhrí sin, bhí baint ag John Numbi le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p>	12.12.2016

	Ainm	Faisnéis aitheantais	Forais leis an liostú	Dáta an liostaithe
			Tá tionchar ag John Numbi ar FARDC i gcónaí, go háirithe in Katanga, áit ar tuairiscíodh go ndearna FARDC sárúithe tromchúiseacha ar chearta an duine.	
6	Evariste BOSHAB	<p>ar a dtugtar freisin Evariste Boshab Mabub Ma Bil-eng.</p> <p>Dáta Breithe: 12.1.1956.</p> <p>Áit bhreithe: Tete Kalamba DRC.</p> <p>Náisiúntacht: DRC.</p> <p>Uimhir an phas taidhleoireachta: DP0000003 (bailí ó 21.12.2015 go dtí 20.12.2020).</p> <p>Víosa Schengen in éag an 5.1.2017.</p> <p>Seoladh: 3, avenue du Rail, Kinshasa/Gombe, DRC.</p> <p>Inscne: Fireann</p>	<p>Ina cháil mar Vice Prime Minister and Minister of Interior and Security ó mhí na Nollag 2014 go dtí mí na Nollag 2016, bhí Evariste Boshab freagrach go hoifigiúil as na seirbhísí póilíneachta agus slándála agus as comhordú a dhéanamh ar obair gobharnóirí cúigeacha. Sa cháil sin, bhí sé freagrach as gníomhaithe agus comhaltaí den fhreasúra a ghabháil, chomh maith le leas díreireach a bhaint as forneart, lena n-áirítear idir mí Mheán Fómhair 2016 agus mí na Nollag 2016 mar fhreagairt ar léirsithe in Kinshasa, agus an toradh air gur mharaigh nó gur ghortaigh seirbhísí slándála líon mór sibhialtach.</p> <p>Is amhlaidh mar sin go raibh baint ag Evariste Boshab le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p> <p>Bhí baint ag Evariste Boshab freisin leis an ngéarchéim i réigiún Kasai a dhúshaothrú agus le cur léi, réigiún ina bhfuil cumhacht nach beag aige i gcónaí, go háirithe ó ceapadh ina Senator ar Kasai é i mí Mhárta 2019.</p>	29.5.2017
7	Alex Kande MUPOMPA	<p>ar a dtugtar freisin Alexandre Kande Mupomba; Kande-Mupompa.</p> <p>Dáta Breithe: 23.9.1950.</p> <p>Áit bhreithe: Kananga, DRC</p> <p>Náisiúntacht: DRC agus Beilgeach.</p> <p>Uimhir pas Phin DRC: OP0024910 (bailí ó 21.3.2016 go 20.3.2021).</p> <p>Seoltaí: Messidorlaan 217/25, 1180 Uccle, Belgium</p> <p>1, avenue Bumba, Kinshasa/Ngaliema, DRC.</p> <p>Inscne: Fireann</p>	<p>Agus é ina Governor of Kasai Central go dtí mí Dheireadh Fómhair 2017, bhí Alex Kande Mupompa freagrach as an úsáid dhíreireach a bhain fórsaí slándála agus Congolese National Police(PNC) as forneart, cur faoi chois foréig-neach agus marúithe seachbhreithiúnacha in Kasai Central ó mhí Lúnasa 2016, lena n-áirítear marúithe ar chríoch Dibaya i mí Feabhra 2017.</p> <p>Is amhlaidh mar sin go raibh baint ag Alex Kande Mupompa le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p> <p>Bhí baint ag Alex Kande Mupompa freisin leis an ngéarchéim i réigiún Kasai a dhúshaothrú agus le cur léi, áit a raibh sé ina ionadaí go dtí mí Dheireadh Fómhair 2019 agus ina bhfuil cumhacht nach beag aige i gcónaí mar cheannaire ar <i>Congrès des alliés pour l'action au Congo</i> (CAAC) atá ina chuid de rialtas cúigeach Kasai.</p>	29.5.2017

	Ainm	Faisnéis aitheantais	Forais leis an liostú	Dáta an liostaithe
8	Jean-Claude Kazembe MUSONDA	Dáta Breithe: 17.5.1963. Áit bhreithe: Kashobwe DRC. Náisiúntacht: DRC. Seoladh: 7891, avenue Lubembe, Quartier Lido, Lubumbashi, Haut-Katanga, DRC. Inscne: Fireann	Agus é ina Governor of Haut-Katanga go dtí mí Aibreáin 2017, bhí Jean-Claude Kazembe Musonda freagrach as an úsáid dhírreacach a bhain fórsaí slándála agus PNC as forneart agus cur faoi chois foréigineach in Haut-Katanga, lena n-áirítear idir an 15 agus an 31 Nollaig 2016, nuair a maraíodh 12 shibhialtach agus nuair a gortaíodh 64 mar thoradh ar fhorneart marfach a d'úsáid fórsaí slándála, gníomhairí Congolese National Police (PNC) ina measc, mar fhreagra ar agóidí in Lubumbashi. Is amhlaidh mar sin go raibh baint ag Jean-Claude Kazembe Musonda le gníomhartha a phleanáil, a stiúradh nó a dhéanamh arb ionann iad agus sár-uithe nó mí-úsáidí tromchúiseacha ar chearta an duine in DRC. Tá Jean-Claude Kazembe Musonda ina cheannaire ar pháirtí CONAKAT, páirtí atá dílis i gcónaí do <i>Front Commun pour le Congo</i> (FCC).	29.5.2017
9	Éric RUHORIMBERE	ar a dtugtar freisin Eric Ruhorimbere Ruhanga; "Tango Two"; "Tango Deux". Dáta Breithe: 16.7.1969. Áit bhreithe: Minembwe DRC. Náisiúntacht: DRC. Uimhir aitheantais mhíleata: 1-69-09-51400-64. Uimhir pas Phin DRC OB0814241. Seoladh: Mbujimayi, Kasai Province, DRC Inscne: Fireann	Agus é ina Deputy Commander of the 21st military region ó mhí Mheán Fómhair 2014 go dtí mí Iúil 2018, bhí Éric Ruhorimbere freagrach as úsáid dhírreacach fornirt agus as maruithe seachbhreithiúnacha a rinne Fórsaí Armtha an Chongó (FARDC), go háirithe i gcoinne mhíliste Nsapu agus i gcoinne ban agus leanaí. Tá Éric Ruhorimbere ina Commander of the Nord Equateur operational sector ó mhí Iúil 2018. Agus an ról sin a bheith aige, tá freagracht air as na sár-uithe a rinne FARDC le déanaí ar chearta an duine. Is amhlaidh mar sin go raibh baint ag Éric Ruhorimbere le gníomhartha a phleanáil, a stiúradh nó a dhéanamh arb ionann iad agus sár-uithe nó mí-úsáidí tromchúiseacha ar chearta an duine in DRC.	29.5.2017
10	Emmanuel Ramazani SHADARI	ar a dtugtar freisin Emmanuel Ramazani Shadari Mulanda; Shadary. Dáta Breithe: 29.11.1960. Áit bhreithe: Kasongo DRC. Náisiúntacht: DRC. Seoladh: 28, avenue Ntela, Mont Ngafula, Kinshasa, DRC. Inscne: Fireann	Agus é ina Vice Prime Minister and Minister of Interior and Security go dtí mí Feabhra 2018, bhí Emmanuel Ramazani Shadari freagrach go hoifigiúil as na seirbhísí póilíneachta agus slándála agus as comhordú a dhéanamh ar obair gobharnóirí cúigeacha. Sa cháil sin, bhí sé freagrach as gníomhaithe agus comhaltaí den fhreasúra a ghabháil, chomh maith le forneart a úsáid go díreacach, amhail cniogbheartaíocht fhoréigineach ar chomhaltaí den ghluaiseacht Bundu Dia Congo (BDK) in Kongo Central, as an gcur faoi chois in Kinshasa ó mhí Eanáir gomí Feabhra 2017 agus as forneart agus cur faoi chois foréigineach a úsáid go díreacach i gcúigí Kasai. Sa cháil sin, is amhlaidh mar sin go raibh baint ag Alex Kande Mupomba le gníomhartha a phleanáil, a stiúradh nó a dhéanamh arb ionann iad agus sár-uithe nó mí-úsáidí tromchúiseacha ar chearta an duine in DRC. Ó mhí Feabhra 2018, tá Emmanuel Ramazani Shadari ina permanent secretary of the <i>Parti du peuple pour la reconstruction et le développement</i> (PPRD), an príomhpháirtí sa chomhghuaillíocht faoin iarUachtarán Joseph Kabila.	29.5.2017

	Ainm	Faisnéis aitheantais	Forais leis an liostú	Dáta an liostaithe
11	Kalev MUTONDO	<p>ar a dtugtar freisin Kalev Katanga Mutondo, Kalev Motono, Kalev Mutundo, Kalev Mutoid, Kalev Mutombo, Kalev Mutond, Kalev Mutondo Katanga, Kalev Mutund.</p> <p>Dáta Breithe: 3.3.1957.</p> <p>Náisiúntacht: DRC.</p> <p>Uimhir an Phas: DB0004470 (bailí ó 8.6.2012 go 7.6.2017)</p> <p>Seoladh: 24, avenue Ma Campagne, Kinshasa, DRC.</p> <p>Inscne: Fireann</p>	<p>Agus é ina Head of the National Intelligence Service (ANR) go dtí mí Feabhra 2019, bhí baint ag Kalev Mutondo le comhaltaí den fhreasúra, gníomhaithe sa tsochaí sibhialta agus daoine eile a ghabháil go treallach agus a choinneáil agus le drochíde a thabhairt dóibh agus bhí sé freagrach as an méid sin.</p> <p>Is amhlaidh mar sin go raibh baint ag Kalev Mutondo le gníomhartha a phleanáil, a stiúradh nó a dhéanamh arb ionann iad agus sárúithe nó mí-úsáidí tromchúiseacha ar chearta an duine in DRC.</p> <p>I mí na Bealtaine 2019, shínigh sé dearbhú maidir le dílseacht san am atá caithe agus sa todhchaí do Joseph Kabila agus tá sé mór leis i gcónaí.</p> <p>Tá tionchar mór polaitiúil fós ag Kalev Mutondo ina ról nua mar “chomhairleoir polaitiúil” do Phríomh-Aire Phin DRC.</p>	29.5.2017

B. Eintitis”